

بلوا افسس میان

۲۳ ہو وخت «مسیح راه و روشن» وستی، پیلہ بلوایی بپا بوبوسته. ۲۴ شورشی کی بپا بوبوسته بو، باعث و بانیش اینفر بو کی دیمیتریوس نام داشتی، کی اون شغل نقره کار بو و مجسمه یان مختلفي جه الهه «آرتمیس» چاکودی و صنعتگران دیگر امرأ درآمد فراوانی به دس آوردیدی. ۲۵ دیمیتریوس، اشان و صاحبان آجور حرفه یان جمع کوده و اوشان بوگفته: «ای عزیزان، شومان دانیدی کی تومامی ئی امی سرمایه هه صنعتی ایسه کی داریم. ۲۶ ولی هوطو کی دینیدی و ایشنویدی، پولس نه فقط افسس میان، بلکه سرتاسر آسیا میان، خیلی یان واکردانه و گمراه بوکوده. اون گه خودایانی کی بشر دس جا چاکوده بوبوسته، اون د خودا نشه گفتن. ۲۷ پس نه فقط آ خطر وجود داره کی امی کاسبی جه رونق دکفه، بلکه امی پیلہ الهه آرتمیس معبدم کوچیک به و خو جلال جه دس دهه، اون کی آسیا و سرتاسر دنیا میان پرستش به.»

۲۸ اوشان وختی دیمیتریوس گبان در مورد پولس بیشنوستیدی، اوشان غیظ گرفته و ایجگره زنان بوگفتیدی: «آرتمیس افسسیان پیلهدانه ایسه!» ۲۹ تومام شهر میان آشوبی بپا بوبوسته! مردوم همدیگر امرأ میدان مسابقه طرف، هجوم بردیدی و گایوس و آریستارخوس جه اهالی مقدونیه کی همراهان پولس بید، فکش فکش خوشان امرأ به تماشاخانه ئی شهر بردیدی. ۳۰ پولس خواستی کی جمعیت جلو ظاهر به، ولی ایمانداران اون وناشتیدی ۳۱ و چند نفر جه مقامات ایالت آسیا کی

پولس دوستان بيد، اون ره پيغام اوسه كودیدی، خواهش بوكودید کی به میدان
مسابقه نشه.

۳۲ جمعیت آشفته بو. همه داد و فریاد زهیددی و هر کس خوره ایچی گفتی.
ویشتر مردوم نأستیدی چره دور هم جمع بوستیدی. ۳۳ یهودیان، اسکندر پیش
تاودهیددی و بعضیان جه جمعیت میان اون دستورانی دیدی. اون خو دس تکان
بده کی مردوم ساکت بيد تا اوشان ره جوابگو بیه. ۳۴ ولی وختی مردوم بفهمستیدی
اسکندر هم یهودی ایسه، همه ایتا صدا امرأ، نزدیک به دو ساعت فریاد زهیددی:
«پيله دأنه ایسه، افسسیان آرتمیس!»

۳۵ آخر سر، وختی شهر داروغه، مردوم ساکت كوده، بوگفته: «ای افسس مرداكان،
کیسه کی ندأنه امی شهر، نگهبان معبد پيله دأنه آرتمیسه و اون تمثال کی جه آسمان
بیجیر بَمو، محافظت کونه؟» ۳۶ پس وختی کی امی الهه آرتمیس، همه کسان ره
قابل قوبیل ایسه، و آرام ببید و عجله امرأ کاری نوکونید. ۳۷ ا مرداكان کی آیه
بأوردیدی، نه جه امی معبد دوزدی بوكودیدی و نه به امی الهه کفر بوگفتیدی.
۳۸ پس اگه دیمیتريوس و اون همکاران صنعتگر جه کسی شکایتی دأریدی، دادگاه
در بازه و قاضیانم حاضریدی. تأنیدی خوشان شکایت اویه ببرید. ۳۹ ولی اگه چیز
دیگر دونبال گردستن دریدی، اون وا جلسه یان رسمی انجمن شهر میان حل و
فصل بوکونید، ۴۰ چونکی ترسم ایمروز، ا ناآرامی وستی به شورشگری متهم بییم.
اگه هطویی پیش بشه، هیچ دلیلی نتأنیم بأوریم به خاطر ایتفاق. ۴۱ ا گبان بوگفته
و مردوم مرخص كوده کی بیشید.